

OMUKWETU

Registered at the General Post Office as a Newspaper

E Z I M O L Y A A K W A L U T H E R M U U Y U N I 1 9 8 1

Omwaalu gwaAkwaluther muuyuni ogu thike peni ano nuumvo? Konyala ogu thike ashike pwaangoka gwomum mvo gwa zi ko nopo gwa kala tagu dhingoloka lwaampoka uule woomvu la dhimwe dha piti.

Famiyalu ndhoka dha zi moombelewa dhOngongahangano yAkwaluther muuyuni (LWF) muGeneva, Aakwaluther oye li konyala oomiliona 70. Ihe moomvula dha piti, omwaalu gwawo owe ende tagu kuluka kashona nakashona.

Pehulilo lyomumvo 1980, LWF okwa gandja omwaalu gwaAkwaluther aye he muuyuni, ngashi gu li ngashingeyi, 69,648,453. Petameko lyomu m o gwa yi, 1980, omwaalu nguka owa li 69,560,244. Shika otashi ti omwaalu owa koko naantu 88,209 ayeke. LWF okwa hclola kutya kashi shi naanaa oshipu okumona omwaalu gwothaathaa, unene omolwomikalo dhi ili nodhi ili dhokugongela omiyalu ndhoka hadhi longithwa koo ngeleka noongeleka.

Pamwaalu nguka, Aakwaluther oye li aatitatu muuyuni mowindji ya la-

ndula Aakatolika kaRooma nAakatoolika kokuuzilo, ano Aarthodokse, bmoka taa adhika unene mevi lyAagreka, muuzilo waEuropa nomuRussia lyo lyene moka mu na ondinga yawo.

Europa olyo li na Aakwaluther oye-ndji ye vule palwe apehe, 52,278,138. Endiki enene lyAakwaluther otali adhika muNdowishiland lyokUuzilo no-lyokUuningino. Miilongo mbika ayihe iyali omwaalu gwaAkwaluther nogwaAakatoolika konyala ogu thike pamwe. Endiki ekwawo enene lyAakwaluther otali adhika muUmbangalantu waEuropa miilongo yaSkandinavia, ano muIceland Norway, Denmark, Sweden naFinland. Oopresenda 90 dhaakalimo yomoshilongo kehe shomumbika itano, Aakwaluthrri.

Amerika lyokUumbangalantu oli na Aakwaluther ye thike 9,051,862, manga omwaalu muAmerika lyokUumbugantu gu thike ashike 1,152,454. Evi lyAsia oli na Aakwaluther 3,825,634. MuAustralia naNieu-Seeland otamu adhika Aakwaluther ye thike 117,058. Afrika oku na Aakwaluther ayehe kumwe 3,223,307.

(Tala kep.2)

Iilongo mbyoka yi na Aakwaluther
oyendji oyo:

Ndowishiland(Uuninginino) 22119887
USA 8,737,464; Ndowishilanda(Uu
zilo) 6,501,072; Sweden 7,500,000;
Denmark 4,750,161; Soomi 4,645,479;
Norway 3,869,609; Indonesia 2,091,
523.

MuAfrika omwaalu omunene gwaAkwa-
luther otagu adhika miilongo mbika

Tanzania 902,476; South Africa
631,849; Etiopia 512,865; Namibia
473,539; Madagascar 420,000; Ni-
geria 77,851; Cameroon 53,911; Zi-
mbabwe 32,000; Liberia 26,250;
Kenya 20,000; Central African Rep-
blic 16,000.

AYEHE OTAA KA PEWA SHI THIKE PAMWE

Eyele ndika olyo eyamukulo kepulo
lyaPetrus paMat.19:27-30. Eyamukulo
ndika otali londodha aalongwa noo-
itaali ayehe. Jesus okwa yamukula
epulo ngeyi: Ne onde mu ithana pe-
tameko e tamu ningi aalongwa yandje
One aatoti yegongalo ekriste. Otamu
dhiladhila kutya otamu ka pewa o-
shindji mesiku lyahugunina shi vu-
le shaambo taa ke mu landula?

Eyele ndika otali londodha wo Aaju-
da mboka haa itangele kutya oyo aa-
hogololwa yaKalunga komeho giigwana
yilwe. Omjuda okwa dhina omuntu
ngoka kee shi gwomoshigwana shawo.
Ihe omadhiladhilo gaKalunga ogi ili
moshinima shika. Kalunga iha tala

omuntu gwontumba e vule mukwawo
Okwa hala aantu ayehe ya hupithwe.
(Iil.10:34-35)

Esiku limwe ondu, uvithile kutya
mOshilongo shaKalunga kamu na
uuleleka, Mat.20:20-28. Megulu ka-
mu na mbo ya simana naambo ya dhi
nika, ihe aantu ayehe Kalunga ote
ya tala ye thike pamwe. Omadhila-
dhilo gopantu otashi vulika taga
ti: Aantu mboka ya sala ethimbo
ele muukriste, otaa ka kuutumba
kiipundi yokomeho nenge otaa ka
futwa odnjambi onene, manga aa-
pagani mbo opo ya ningi akriste
otaa ka kala kiipundi yokonima-
lela.

Monge leka yaKatoolika, Onkwaluther
noyAangilikana, eyele ndika ohali
uvithwa mosondaha yopetameko lyo-
masiku geitedhululo, manga Opaasa
inaayi thika. Ngele te dhiladhila
omauvitho ngo nda pulakene geyele
ndika, unene otaga dhiginine ko-
mbinga yehiyo lyaKalunga, ti itha-
na aantu ye ye miilonga ye, mE-
tumo, ihe ndika. halyo ehuku moo-
hapu ndhika.

Omauvitho gamwe otaga gama owala
kelondodho, sho aatango ya nyenye-
tele omwiithani: "Tse otwa longo
omutenya aguhe, ihe otashi vulika
ngiini, tu pewe ondjambi yi thike
puyaamboka ya longo ethimbo efupi?"
Oya dhimbwa mbela euvathano lyo-
petameko, kutya ondjambi oyo tuu
ndjoka. Omufuti nguka oye Kalunga
(Taka kep. eti 3)

Otaa pewa shi thike pamwe

ngoka kee na ondjoolola. Onkee mokufuta ota tameke naahugunini Ngaashi omufuti ngwiya a li e: na ohenda naamboka ya longo e-thimbo efupi, sho e ya pe oshimbiwa tuu shoka, opo ya vule oku ka lan'a okasila kuulalelo waanona yawo, osho wo Kalunga okuhole aantu ayehe. Mesiku lyahugunina Kalunga otaka pa oitaali ayehe omwenyo gwaaluhe, oshoka kehe ngoka i itaala ota hupithwa.

MuPalestina pethimbo ndiya, aantu mboka yaa na iilonga oya li haa yi pomalanelo. Opo mpoka taa kala ya tegelela pamwe taku zi ngoka a haa okulongelwa. Anongiika aahugunini oye ya komatango, oshoka olyo ethimbo ya manguluka kiimpwiyu yawo megumbo. Oya li ye na elago, sho na yo wo ya futwa.

Jesus ota ti: "Sigo onena oshilongo shegulu otashi matukilwa," yamwe otaye ya mo kuyele, yamwe otaye ya kwa toka. Yamwe otaa itaale Omukulili gwawo muugundju ka, yamwe omuukulupe. Yamwe oye na elago, sho taa mono Omukulili mombete yahugunina muuvu. Ihe kotoka, opo waa tye, "Opu na omuposi."

Mesiku lyahugunina Kalunga otaka pa oitaali ayehe omwenyo gwaaluhe. Ayehe otaa ka pewa nolwesi Ichenda lyaKalunga hamolwiilonga yawo.

Eimo Amaambo

TWA PANDULA

Onde mu pandulile omahekeleko geni moluhodhi lwaandjetu olutine.

Meme Aina Alugongo okwa taambwa moombete moshipangelo shaNandjokwe eti 27.11.1980 nokwa mana oondjenda eti 10.1.1981. Aatalelipo oyendji oya dhimbulula kutya meme Aina itaka kala we nomwenyo nolutu lwo lwene otalu shi holola, oshoka olwa li lwa pwapo. Oya galikanene meme Aina nokupula ehala lyaKalunga li gwani-thwe.

Oya tsu ndje wo : omukumo, opo ndi wape okutaamba ehala lyaKalunga, ewanawa nolyesilohenda li gwani-thwe. Aatalelipo otandi mu pandulile Kalunga sho mwa gwayeke meme omagadhi gegalikano.

Aapangi aaholike yaNandjokwe, otandi hambelele Kalunga sho inamu panga ashike kolutu, ndele omwe tu tsu omukumo noki tu gandja kuKristus.

Oonakukala poshituthi shefumviko omwa hekeleke: oomwenyo dhaandjetu, opo tu wape okutaamba eso etine megumbo lyaandjetu.

Kalunga na hambelelwe.

Peha lyooAlugongo

Malakia Alugongo.

+++++

+++++

+++++

Aaleshi yOmukwetu aasimanekwa,
Okuzo pehulilo lyomumvo gwa piti, konima tuu sho satana-embungu
nomulodhi- a hanagula po iilonga yOshinyanyangidho, sigo ethi-
mbo ndino sho twa thiki momumvo omupe, otwa kala tatu yakula
iimaliwa mbyoka yu umbwa koogumwe noogumwe, kuungundu nokoo-
ngundu, komagongalo sigo okomahangano gi ili nogi ili mevi
lyetu alihe nopalwe wo. Elalakano lyaayehe, ngaashi haye shi
tumbula muumbilive hau thiki pamwe niimaliwa, olyo etondoko
lyonkugo yOshinyanyangidho.

Molupe lwokambilive hano otwa hala tu mu pandulile okuyapo
nokutseyitha kutya ashihe shono mwe shi tumu osha thika notwi
mekela uutambitho weni ohau thiki ngaa, ano uumbapila (receipt)
mboka hau ulike kutya iimaliwa ya taambwa.

Omadhina geni sho ge li po ogendji ngeyi, notaga ka kutha po
ehala enene mOmukwetu, otwa nyengwa oku ga mynyangidha - ne-
inekelo otamu shi uvu ko, kutya shono hamu shi tumu inashi
kanena mombepo, aawe, osha thika. Omasiku hamale we - osha-
nda shoka tamu umbu/henge pamukalo ngoka etegameno nali kale
kutya otashi ka thikama ngaa natango, nando hamesiku lyo-
ngulalela.

Kundweni medhina lyOmuu.
Aayakuli ooyakweni miilonga yOshinyanyangidho.

SHAKALUNGA SHI PENI KALUNGA

Ndapewa Shoombe, okwa li woomvula 28 gwegongalo lyaNakayale. Okwa
li gumwe gwomaagundjuka yatatu mboka ya sile moshiponga shomboma
eti 5.1.1981 kOmbalantu. Okwa li omulongwapangi kOnandjokwe.

Aakuluntu ye sho ya konakona miinima yomugundjuka, oya adha mo oka-
mpunda, mu na iimaliwa nokambapila mwa nyolwa: "IIMALIWA YONGALO,
SHAKALUNGA SHI PENI KALUNGA; SHOMUUYUNI PENI UUYUNI" (ochapu dhaJesus)

Aavali oya fala iimaliwa mbika kegongalo, inaa yi thigulula noya tu-
lwa mongalo, montaneho yaayehe.

Omugundjuka nguka okwa li a yakula oyendji. Okwe tu thigile euvita
enene. Tu mu etheni, okwa yi mevululuko lyaana yaKalunga.

S:Ndatipo.

KARUAIHE TA PANGULA DTA

Omuwiliki gwongundu yo NUDO Progressive Party ya Namibia, omusamane Johannes Karuaihe, okwa popi kutya ongundu ye oyi itaala kutya epulo lyokugama ombinga ko UN ndyoka lya nyangitha oshigongi shoku Geneva kali shi ashike okupulwa Iigwanahangano (UN) oyo ayike. Ihe oshinima shokugama ombinga oshi na okupulwa wo epangelo lya South Africa ndyoka li li mu Namibia. Oshoka tse mboka tu li oongundumpilameni moshilongo shika otatu thindilwa kongudhi pwaa na ohenda yasha. Otatu tindilwa uuthemba wetu wokuunganeka oongundu dhetu memanguluko nomaliko getu otaga yonagulwa po moshanga shomutenya montaneho yaapolosi yongundu yo DTA.

Karuaihe okwa tsikile ko ta ti: "Tse otatu li tatu pi pethimbo ndika mu Namibia, omolwiilonga yuukolokoshi nomatigano ngoka taga ningilwa aantu yetu ko DTA. Epangelo lya SA. mokugamanokupopila oDTA oyo ayike ti, olyu ulikile ayehe kutya, ngele taku popiwa oshinima shegamo lyombinga, nena oshi na okutameka megumbo, opo ape ke egandjo lyuusama ko UN tali kala li li mondjila. Ishewe, oshinima sheinekelo nomukmumo gwokwii- nekela oshidhiguelela. Kape na nando gumwe moshilongo shika shetu ngoka ta ludhike uuthemba waatiligane okukala aakwaswigwana mu Namibia lya manguluka.

South Africa oku na okukoneka kutya osha pumbiwa a kwathele mokweeta ombepo yeinekelo nomukumo gwokwii- nekela mu Namibia. Osha pumbiwa lela noonkondo epangelo lya SA li ete po ehanganitho mokati kaantu ya Namibia.

Ehulithopo lyombala lyomahepeko nomatigano go DTA oktidhagana oongundu dhompilameno, osho oshinima shimwe shoka tashi ka eta uwanawa waantu ayehe yomu Namibia. Oshinima sha tya ngaaka otashi ka kumika Aanamibia ayehe omukumo okweenda nondjila yokukandula po omukundu nokuya memanguluko pamukalo gwombili," osho Karuaihe a ti.

Omusamane Karuaihe okwa popi oha pu ndhika moshigongi shaaniifo mu Geneva. Oye okwa popitha aatumwaka lelipo yomiilongo yopuushiinda noyoku Nigeria, ta ti "aamwameme". Okwe ya indile ya ninge ashihe ta wulu, opo ya kwathele mokuhanganitha Aanamibia. Okwa ti, ongundu ye oye ya ku Geneva nomadhiladhilo nomutima wa yela nokwa hala okulongela kumwe nongundu kehe yuupolitika ya Namibia, okumana po omukundu Ihe ongundu ye itayi tsu nando kumwe nomulandu gwomavigumbo gwo DTA.

Okwa hulitha ta ti: "Ongundu ye oye shi yelitha mo nale nawa, kutya yo oya tsa lela kumwe no UN kombinga yoshitokolitho 435 okuninga ehogololo ndyoka tali wilikwa nokutonatelwa ko UN mu Namibia.

OLYE A DOPIFA OSHOONGALELE SHOKUGENEVA

Oshoongalele shokuGeneva kombi-
nga yonakwiiwa yaNamibia, osho
sha li nelalakano okumona etwo-
kumwe lefiku letulomoilonga lo-
mafaneke opambili Oiwanahangano,
osha findana ashike mokuxwamifa
oululu nenyeme pokati keengudu
da yooloka nokutula omafaneke
aeshe moshiponga. Konima yomafi-
ku a 6 eenghundafana dopangundu
nongudu nodomoipafi, dihe na oii
mati yasha, osha li tashi monika
nale, kutya eedula adishe konya-
la 4 deenghundafana da kwata mo-
iti, osho elihepeko longaho.

"ongula natango"

Edengo la xuuninwa ola holoka
efiku la tetekela exulifo lo-
shoongalele, e shi omukalelipc
wa SA. ngoloneyandjai waNamibia,
omushamane Danie Hough, oo a li
ta wilike osheende shovakaleli-
po va SA nosheengudu domeni la-
Namibia; eshi e shi bofola mo
kutya "ongula natango" nokutwi-
kila okukundafana etokolo lefiku
lokutula omafaneke moilonga. O-
sha yela okwa li ashike a endu-
lula osho sha tongwa komushama-
ne Mudge, omunashipundi wongudu
yakula yeengudu domeni loshilo-
ngo noku li yo omunashipundi wo
Raata yEeministeli. Mudge okwe
shi popya mo sha yela, kutyaye
natango ine lilongekida okusha-
ina edimino letulepo lomauta no-
kwa hala natango efimbo lihapu.

Molwaasho ombinga imwe yoshigo-
ngi oya holola okuhe na ehalo
okutwikila, kapwa li sha vali o-
sho omunashipundi, omushamane
Brian Urquhart, hamushanga woUN

a dula okuninga shihe fi ashike oku-
xulifa po oshoongalele.

Ovauninginino neendjidikila

Elinyengo kombinga ikwao, kokutya la
SWAPO ola li tali dulu okutengenekwa.
Ngaashi sha tiwa komupresidende wa
SWAPO, omushamane Sem Nuuyoma, SWAPO
otaka pula oshoongalele shaaveshe
shOiwanahangano (UN) shi fininike oi-
longo yomomo raata yEameno yo UN i
ningile SA eendjidikila doipindi.
SWAPO otaka twikila noita moNamibia
note ke i hanyeka neenghono. Osha fa
sha yela paife, kutya oshinima osho
Oilongo yokOutukelo ya li tai kenda-
bala okuyepa, omhumbwe yokutokola
ngenge nai dimine ile nai anye okuni-
nga etokolo londjidikila, paife osha
pita ko ngoo mee.

S.A. no DTA

Eudafano opo oshoongalele eshi shi
ningwe ola hangikile meenghundafana
domonanguwi pokati ka SA nepangelo
lAngola, omo mu na omutumba neekamba
da SWAPO. Pefimbo olo osha li sha sha
momadiladilo, kutya elalakano lomini-
steli yotete ya SA, omushamane Botha
olo olo shi talike ko, kutya edimino
lokutula omafaneke moilonga li ni-
ngwe kuMudge nongudu yaye yoDTA. Opo
nee ye ,Botha, ota dulu okukelikanyu-
ne oshinima ngenge oilyo imwe yongu-
du yoNational Party, oya ka ekelashi
efaneke eli. Omolwomatohelo aa, ova-
kalelipo va SA pefimbo leenghundafa-
na, ova li koipundi yokonima noku li

(Dha za kep.6)

ongongo wehe na mo sha naanaa meenghundafana. Ndele ovanhu vamwevamwe ashike va li va limbililwa kutya S.A. ta ka kufa mo shito omutwe moipeta.

Eamombinga laUN

Nongenge ehongomokemo eli otali ti 'ekandulepo lomukundu' nena Mudge ka li a hala okupwilikina. Moivike ya tetekela omutumba ou okwa li a holola elimbililo laye kombinga yomhumbwe yoshoongalele nokwa li ina hala okuya ko. Konima oDTA oya ka tomhwa ngaa opo i ka kale moshongalele sha tya ngaha, ndele okudja tuu pehoveloloshongalele ovatumwakalelipo vayo ova kala nokukondja okukondekela eenghundafana moshinima shimwe ashike-okuhaamambinga ko UN ongomupashukili wedafano lo-pambili.

Eshi osho oshinima sha etelwa po onhukuluka kepangelo la SA sha etifile okuya kwomeulumo kuPretoria, kwomushamane Urquhart, rondjato i yadi omaudaneko. MuGeneva epangelo la SA noDTA ova li tava pula ngenenge oUN otai dudu tuu shili okuwilika ehoolo lo muNamibia, omanga oshoongalele shaaveshe shoUN sha ufa mo shito kolifo shasho, kutya SWAPO oye aeke omukalelipo washili wovanhu vaNamibia.

DTA nevalulo laSWAPO

MuGeneva Mudge okwa holola kutya ye ita dimine okutula omafaneko moilonga omanga oUN inai lundulu.

la oshitokolifo eshi nokuxulifa po oimaliwa oyo hai yandje koSWAPO.

Omushamane Urquhart kwaashi okwa n yamukula, kutya omatanga ombili oUN oo a fanekwa okwa tulwa po ko-raata yEameno, hakoshoongalele shaaveshe, osho sha pa SWAPO evalulo la tya ngaha. Okwa ti yo kutya oshitokolifo shoshoongalele eshi osha Desemberba, 1973 osha ningilwe konima eshi eenghendabala dokumana po omukundu waNamibia da ponya, oule weedula dihapu. Oukumwe woiwana owa tulile oshitukulwa eshi sha li okoloni yaNdowishi meqashukilo la SA, konima yoita yotete younyuni. Oiwana hangano oya kufa SA oshisho eshi konima yoita oitivali younyuni, ndele SA ina pupa ko.

Eyoologo pokati koshoongalele shaaveshe noRaata yEameno otashi dulika li kale oshinima sha twimina ovahololi vamwe muNamibia. Ashike omushamane Urquhart okwa fatulula kutya ngenenge efiku lokutula omafaneko moilonga ola tokolwa, nena onghalo i lili lela otai ka holoka po noinima ihapu otai ka lunduluka. Oshilanduli otashi ka kala kutya oshoongalele shaaveshe otashi dudu nee okupulwa shi ninge oshitokolifo shipe ponhele yaasho shi li po.

SWAPO okwa dimina eshaino lombili

Omushamane Sem Nuuyoma oo a ti kutya ye okwe lilongekida okushaina edimino letulepo lomauta nokuhe na oangaongo asha, okwe shi yelifa nawa, kutya ye ite ke li pula nomatokolo oshoongalele shaaveshe, ngenenge efiku

(Tala kep. eti 8)

GENEVA

(Dha za kep.eti 7)

lokutula omefaneko moilonga ola to kolwa. Nonande ongaho, kape na sha dula okutomha ovatumwakalelipo va S.A. va dimine efiku lokutula omefaneko oUN moilonga omanga evalu- lo laSWAPO koshoongalele shaave- she sho UN inali kufwa po.

Omushamane Urquhart okwa li ngaa ta nanekida mwaasho omushamane Hough a ti "ongula natango" naashi omushamane Mudge ta pula natango efimbo lihapu. Ashike moku- dja kuGeneva, koonakukala moshoo- ngalele omu, Namibia olan natango oshilemo shi laula foko.

OOSESTELA TAVA PUMBIWA

Koshipangelo shokEngela okwa holo- ka onhele yoosustela va tatu. Suste- ou e na ehalo okulonga kEngela na ninge eindilo komukulunhu woshiha- kulilo eshi.

Na kale a kwalifiselwa luvali (RGN & RM). Etelela yo eendjapo doye, neembapila domafutilo (Kwitansies) do S.W.A.V.V. 1980/81 + S.A.V.R. 1980/81, oshoyo ombapila yeongalo. Na kale Omunamibia.

EDHINA LYOYE INALI HOLOKA NUUMVO MEMBO LYAA- TAAMBI YOMUKWETU. ETHIMBO OKO LI LI NATANGO ENDELELA OWALA U INYOLITHA - TUMA R2-60, NE- NGE R5-00, NGELE OU LI PALE.

" OTATU SHI TUNGULULA "

Ndika olyo etumbulo lyooitaali nolyaa- kwashigwana oyendji mevi ndika nopalwe.

Olya kolekwa kongundu yaantu ye vuli- the po 2 000 mboka kwa li ya gongala melongelokalunga pompile yOshinyanya- ngidho, pOniipa 14 Desemba 1980.



Okusa 19 Novemba 1980, esiku Oshinya- nyangidho sha fikwa po komitondi, sigo onena, ongale yetungululo ya umbwa meni lyaNamibia amuke oya thiki komwaalu ngu R17,535-76. Esiku kehe ohaku taambwa ii- maliwa yongalo ndjika. Mefano oto mene sho sha umbilwe melongelokalunga lyeosa, omafo, oofyeke nayilwe. - Otatu shi tungulula !

OMUKWETU

Oye oshifo shOngeleka Onkwaevaangeli paLu- ther yOmOwambokavango.

Ohashi nyanyangidhwa mOshinyanya- ngidho shOngeleka, ELOK, mOniipa.

Omukuluntu gwoshifo omumbisofi K.Dumeni Ondando yOmukwetu R2-60 komumvo muAfrica Kombanda yomafuta R5-00. Omambestelo na- ga tumwe kOmukwetu.

Ev. Luth. Owambokavango Church Press
Private Bag 2013 Ondangwa 9000